



IBARRAKO UDALA
(Gipuzkoa)
Euskal Herria

2015EKO APIRILAREN 30EAN TOKIKO GOBERNU BATZARRAK EGINDAKO OHIKO BILKURA

Etorri diren batzordekideak:

Oihane Sarasola Nosellas

Mikel Agirrezabala Ezkurdia

Eugenio Lopetegi Artano

Idazkaria: Naia Ruiz de Eguino Garcia-Echave

Ibarran 2015eko apirilaren 30ean udaletxeko bilera-aretoan, eguardiko ordu batak direnean Tokiko Gobernu batzarrak bilera egin zuen eta alboan adierazitako jaun-andreak elkartu ziren ohiko bilkura egiteko asmoz, horretarako deituta baitzeuden

Egintzaren buru Oihane Sarasola Nosellas alkate ordea izan zen eta bitarteko idazkari lanetan Naia Ruiz de Eguino

Udalburuak egintza ireki dela adierazi ondoren, bilkura honetarako ditugun gaiak aztertu eta eztabaidatu dira eta honako erabaki hauek hartu dira

LEHENA:

1.2015KO MARTXOAREN 24KO AKTAREN ONARPENA

2015ko martxoaren 24an eginiko Gobernu batzarraren akta irakurri ondoren, hona Tokiko Gobernu Batzordeak, aho batez, harturiko

ERABAKIA

BAKARRA: Onartzea 2015ko martxoaren 24an eginiko Gobernu Batzarraren akta



IBARRAKO UDALA
(Gipuzkoa)
Euskal Herria

BIGARRENA:

2.- 2015EKO KULTURA DIRU-LAGUNTZAK EMATEKO OINARRIEN ONARPENA

Kultur teknikariak, 2015 urtean kultur alorrean emango diren diru-laguntzak arautzeko erabiliko diren oinarriak aurkezten dizkio Tokiko Gobernu Batzordeari honek onar ditzan.

Oinarriak aztertu ondoren, hau da, Tokiko Gobernu Batzordeak aho-batez harturiko

ERABAKIA

LEHENA: Onartzea Ibarra irabazi-asmorik gabeko kultura talde eta elkarteei 2015. urtean garatuko dituzten jarduera eta egitarauetarako diru-laguntzak emateko oinarriak

BIGARRENA: Oinarriak Gipuzkoako Aldizkari Ofizialean argitaratzea.

HIRUGARRENA: Erabaki honen berri eman Kontuhartzaitetza sailari.

ERANSKINA

IBARRAKO IRABAZI-ASMORIK GABEKO KULTURA TALDE ETA ELKARTEEI 2015. URTEAN GARATUKO DITUZTEN JARDUERA ETA EGITARAUETARAKO DIRU-LAGUNTZAK EMATEKO OINARRIAK.

Hitzaurrea

Apirilaren 2ko 7/1985 Legeak, Toki Araubidearen Oinarrienak (TAOL), III. Kapituluko 25. eta ondorengo artikuluetan, udalen eskumenen artean esleitzen ditu Ondare Historiko-artistikoen eskumena eta kulturako, aisialdiko eta liburutegi publikoko jardueren edo instalazioena.

Azaroaren 17ko 38/2003 Diru-laguntzei buruzko Legeak eta garapen erregelamendua onartzen duen uztailaren 21eko 887/2006 Errege Dekretuak xedatzen dute, tokiko udalen diru-laguntzak arautzeko oinarriak ezarri beharra dagoela, eta horiek aurrekontua gauzatzeko oinarrien markoan onetsi behar direla, diru-laguntzen ordenantza nagusi baten bidez edo diru-laguntzen hainbat modalitatetarako ordenantza espezifiko baten bidez.

2013ko ekainaren 7ko GAOko 108. zenbakian argitaraturik dagoen Ibarra Udalaren Dirulaguntzen Ordenantza Orokorra arautuko ditu diru-laguntza hauek emateko baldintza eta prozedura.

Diru-laguntzak iragarki, norgehiagoka, objektibotasun eta berdintasun printzipioen arabera emango dira, Herri Administrazioa haiei atxikita baitago, besteak beste, sustapen-jarduerak gauzatzeko.

1. Xedea.



IBARRAKO UDALA
(Gipuzkoa)
Euskal Herria

Oinarri hauen helburua 2015. urtean Ibarra kultura arloan emango diren eta hurrengo paragrafoan aipatzen diren diru-laguntzen emakida arautzeko oinarri zehatzak ezartzea da.

Oinarri hauetan aurreikusitako diru-laguntzak bertan jasotako arauak arautuko dituzte eta baita aplikagarri diren eta indarrean dauden Ibarra Udalaren Dirulaguntzen Ordenantza Orokorra, azaroaren 17ko 38/2003 Diru-laguntzei buruzko Legeak eta garapen erregelamendua onartzen duen uztailaren 21eko 887/2006 Errege Dekretuak ezarritakoaren babesean.

2. Dirulaguntzak emateko prozedura.

Dirulaguntzak emateko prozedura norgehiagokako erregimenean izango da eta printzipio hauen arabera egingo da: Publizitate, objetibotasun, gardentasun, berdintasun eta diskriminaziorik eza. Eskumeneko organoak onartutako deialdi publikoaren bidez egingo da.

3. Diru-laguntzaren zenbatekoa.

Deialdi honen bidez diru-laguntzak emateko zenbatekoa 20.000,00 eurokoa da, 1 0000.430.334.00.00 2015 partidan kargatuko dena.

Diru-laguntza emateko orduan zehaztuko da bakoitzari emango zaion zenbatekoa edota adjudikazio prozeduran lortutako puntuazioa.

Zenbateko hori benetakotzat joko da, eta ez dio erreferentziarik egingo kostu osoaren zatikatze edo portzentajeari.

Diruz lagundutako jardueraren zenbatekoa, diru-laguntzak estaltzen ez duena, onuradunaren beraren funtsen bitartez estaliko da edo beste diru-laguntza edo baliabideen bitartez, beti ere, azken hori bateragarria baldin bada oinarri hauetan zehaztutakoarekin. Diru-laguntzaren zenbatekoa ez da izango inolaz ere, bera bakarrik edo beste diru-laguntzekin batera, diruz lagundutako jardueraren kostuaren % 100 baino handiagoa.

Salbuespen modura, aurrekontua izateagatik edo beste arrazoi bategatik, organo emaileak diru-laguntzen zenbateko osoaren hainbanaketa egin dezake onuradunen artean, aurretik froga-txostena eginda.

4. Diruz lagundu daitezkeen ildo eta programak

Diruz lagundu daitezkeen ildo eta programatzat jo daitezke udalerrian garatuko diren kultur jarduera edo programak, bai eta xede-talde gisa ibarrako herritarrak dituztenak ere, honako modalitateak ezberdintzen direlarik:

- a) Kultur jarduerak: Urteko programa
- b) Kultur jarduerak: Jarduera zehatzak.

Diruz lagundutako gastutzat joko dira diruz lagundutako jardueraren izaerari dagozkionak eta oinarri hauetan ezarritako epeen barruan egiten direnak.



IBARRAKO UDALA
(Gipuzkoa)
Euskal Herria

Ibarrako Udalaren Dirulaguntzen Ordenantza Orokorraren 28. artikuluan ezarritakoaren arabera, diruz lagundutako proiektua aurrera eramateko lege- edo finantza-aholkularitza gastuak, notario-gastuak eta peritu-gastuak diruz lagundu daitezke baldin eta diruz lagundutako jarduerarekin harreman zuzena badute eta berorren prestakuntza edo gauzatze egokirako ezinbestekoak badira.

Diru-laguntzaren onuradun den elkarteak edo pertsonak jardueraren antolakuntzak dakartzan ardurak beregain hartuko ditu, aipatu jarduera bermatzen duten dagozkion aseguru-polizak itunduz.

Oinarri hauek arautzen dituzten diru-laguntzen emakidak ez dakar berarekin udalaren eta diru-laguntzaren onuradun den pertsona edo elkartearen artean inolako izaera zibileko, lan izaerako, administrazio izaerako edo bestelako izaerako kontratu-harremanik.

5. Onuradunak

Oinarri hauek arautzen dituzten diru-laguntza 4. artikuluan jasotzen diren jarduera-programaren bat garatu nahi eta oinarri hauetan zein diru-laguntza gaietan aplikagarria den araudian aurreikusitako baldintzak eta eskakizunak betetzen dituzten Ibarra egoitza edo ordezkaritza iraunkorra duten diru irabazi asmorik gabeko izaera duten pertsona fisiko edo juridikoak, publiko zein pribatuek.

Diru-laguntza jaso ahal izango dute legalki eraruta eta Eusko Jaurlaritzako elkarte-erregistroan izena eman eta Ibarra kokatutako eta deialdi honetan ezarritako arloan jarduerak egiten dituzten elkarteak. Ibarrako Udalaren Dirulaguntzen Ordenantza Orokorraren 8. artikuluan ezarritako baldintza guztiak bete beharko dituzte.

Izaera juridiko gabeko pertsona fisikoak edo juridikoak, publiko zein pribatu, osatutako elkarteen kasuan, honako baldintza hauek bete beharko dituzte:

- a) Taldearen ordezkari edo ahaldun bat izendatu beharko da, nahikoa ahalarekin onuradun gisa dagozkion betebeharrak betetzeko, aplikagarri izango baita 38/2003 legearen 11. artikulua.
- b) Zinpeko aitorpena non jasotzen den elkarte desegiteko ezintasuna diru-laguntzaren preskripzio epea amaitu arte, 38/2003 Legearen 39 eta 65. artikuluetan jasotako diru-laguntzaren itzulketa aitortu edo likidatzeko.

6. Baztertuak

Deialdi honen aplikazio eremutik kanpo gelditzen dira ondorengoak:

- a) Epa irmoaren bidez dirulaguntzak edo laguntza publikoak lortzeko aukera galtzera kondenatuak izan direnak.
- b) Lehiaketa eskaera egin dutenak, edozein prozeduretan kaudimengabeak jo direnak, lehiaketan egonik esku-hartze judizialaren mende daudenak edo lehiaketa legearen arabera ezgaituak izan direnak, beti ere sententzian jasotako inhabilitazio epea amaitu ez bada.
- c) Administrazioarekin eginiko edozein kontratu bertan behera uzteko errudun aitortuak izan direnak.
- d) Pertsona fisikoa, merkataritza sozietateetako administratzaileak edota beste pertsona juridiko batzuen legezko ordezkariak izan direnak sartuta daudenean kontratatzeko bateraezintasun kasuren batean, bakoitzean aplikaziozkoa den



IBARRAKO UDALA
(Gipuzkoa)
Euskal Herria

legeria espezifikoaren arabera; edo Hauteskunde Araubide Orokorren ekainaren 19ko 5/1985 Lege Organikoak erregulatzen dituen hautapenezko karguren bat izatea.

- e) Zerga obligazioak edo gizarte segurantzari buruzkoak ez betetzea, dirulaguntza emateko ebazpen proposamena ematerakoan.
- f) Beren zerga egoitza dagoenean erregelamenduz paradisu fiskaltzat kalifikatutako herrialde edo lurralde batean.
- g) Udal honek edo bere erakunde autonomoek emandako dirulaguntzak itzuli behar izateagatik sortutako obligazioak ordaindu gabe dituztenean.
- h) Diru-laguntzak itzultzeko betebeharretan egonik, ordainketak ez egitea (Diru-laguntza itzultzeko prozeduran zordun gisa).
- i) Ebazpen irmo bitartez diru-laguntzak jasotzeko zigortua izatea diru-laguntzen Lege Orokorra edo Zergei buruzko legeari jarraiki.
- j) Entitatearen ordezkariaren baten bateraezintasun legala, Udaleko pertsonal edo hautatuekin.
- k) Era berean, ezingo da diru-laguntzarik eman, Ibarra Udalarekin dituzten zorrenatik premiamendu bidezko kobrantza prozeduretan sartuta edo udal entitate honekin zerga obligazioak bete gabe dauzkaten partikularrei edo entitateei, aipatu zorrak ordaindu eta kitatu arte.
- l) Beren jardueraren bitartez, diskriminazioen bat bultzatzen duten erakunde edo pertsonak .

7. Onuradunen eginbeharrak.

Onuradunen betebeharrak hauek dira:

- a) Dirulaguntzak emateko arrazoi den xedea betetzea, proiektua gauzatzea, jarduera burutzea edo jokabidea hartzea.
 - b) Hizkuntza irizpideak betetzea: Ibarra udalean eta udalerrian euskararen erabilera normalizatzeko irizpideen 32.1 artikularen arabera, honako hizkuntza irizpideak bete beharko dituzte:
 - 1. Ibarra Udalarengandik diru-laguntzaren bat jasotzen duten elkarte eta erakundeek, pertsona fisikoek nahiz entitate juridikoek diruz lagundutako beren jardunean argitaratzen dituzten idatzi, iragarki, ohar eta gainerakoak euskaraz behintzat idatzi eta ezagutzera eman beharko dituzte. Era berean, ospakizun zehatzetan bozgorailu bidez ematen dituzten mezuak euskaraz ere eman beharko dituzte.
- Aurreko paragrafoko elkarte, erakunde, pertsona fisiko edo juridikoek euskaraz eta erdaraz egiten diren adierazpenetan, eta batez ere ahozkoetan, euskarazkoari eman beharko diote lehentasuna.
- Diru-laguntza kudeatzeko eskumena duten organoek bidezkoak diren neurriak hartuko dituzte onuradunek puntu honetan xedatutakoa betetzen dutela egiaztatzeko.
- c) Diruz lagundutako proiektu edo jardueran genero ikuspegia txertatzea.



IBARRAKO UDALA
(Gipuzkoa)
Euskal Herria

- d) Udalaren aurrean diru-laguntza emateko jarritako baldintzak betetzen dituela, jarduera burutu eta helburua bete dela egiaztatzea.
- e) Diru-laguntza ematen duen organoak egin beharreko egiaztapen jarduerak onartzea, baita eskumena duten kontroleko organoek, nazionales nahiz komunitarioek, egiaztatzeke edo finantzen kontrolerako egin dezaketene beste edozein egiaztapen jarduera ere. Jarduera horietan eskatutako informazio guztia eman beharko du.
- f) Diruz lagundutako jarduerak finantzatzeko bestelako diru-laguntza, laguntza, diru-sarrera edo baliabideak lortuz gero, diru-laguntza ematen duen organoari jakinaraziko dio. Jakinarazpen hori bestelako laguntzen berri izan bezain pronto emango da, edo gutxienez onartutako diru-laguntzari emandako aplikazioaren egiaztapena egin baino lehen.
- g) Eskura izango ditu: Kontabilitate liburuak, erregistro eguneratuak, eta onuradunari kasu bakoitzean aplikatu dakiokeen merkataritza legedian eskatutako terminoetan ikuskatutako bestelako agiriak; baita diru-laguntzak arautzen dituen oinarrietan eskatutako kontabilitate egoera eta erregistro zehatzak ere; honela egiaztapen eta kontrol ahalmenak era egokian gauzatzea bermatzen da eta.
- h) Jasotako diru-laguntzak zertan erabili dituen egiaztatzen duten dokumentuak gordetzea, dokumentu elektronikoak barne, egiaztapen eta kontrol jardueretarako gai izan daitezkeen bitartean behintzat.
- i) Diru-laguntza jasotzen duen jardueraren berri emateko neurriak hartzea; hau da, onuradunak Ibarra udalaren diru-laguntza jasotzen duen programa, jarduera edo ekintzen finantziazioaren izaera publikoaren publizitatea egin beharko du.
- j) Oinarri hauetan aurreikusitako baldintzaren bat gertatuz gero, jasotako dirua itzuli egin beharko du.
- k) Diru-laguntza ematerakoan kontuan hartutako edozein inguruabar aldatu egingo balitz, diru-laguntza ematen duen organoari jakinarazi behar zaio.
- l) Diru-laguntza emateko eskaerak aurkezteko epea amaitu baino lehen, norgehiagoka kasuetan edo gainerakoetan, erabakitzeke proposamena egin baino lehen, egiaztatzea zerga obligazioak betetzen dituela Gizarte Segurantzarekin, eta gainerakoekin, eta eskatzailearen nortasuna egiaztatzea.

Halere, onuradunari urte osoan emandako diru-laguntzen kopuru metatuak ez baditu 1.000 euro gainditzen, aipatu obligazioak betetzen dituela egiaztatzeke, alderdi horien gaineko erantzukizun aitortpena aurkeztu behar du.

Izaera juridiko zehatzik ez duten taldeetan, elkarre edo antzekoetan baldintza hau egiaztatu beharko da taldea ordeztzen duen pertsonaren zinpeko aitortzearen bidez eta aitortuko du ez duela zorrik administrazioarekin. Egiaztatze hau loturik dago, gainera diru-laguntza arautzen duten gainerako arauarekin.

- m) Diru-laguntzen xede diren programak, jarduerak, inbertsioak edo jarduketak Ibarra Udalak finantzatzen dituela egoki zabaltzea bidezko publizitatea emanez, baldin eta betebeharrak hori dagokion deialdi, hitzarmen edo ebazpenean exijitu bada.
- n) Jasotako funtsak itzultzea, Ibarra diru-laguntzen ordenantza orokorrean xedatutako kasuetan.

8. Diru-laguntzen bateragarritasuna.



IBARRAKO UDALA
(Gipuzkoa)
Euskal Herria

1. Oinarri hauetan aurreikusitako laguntzak bateragarriak izango dira bai beste Herri Administrazioek emandako diru-laguntzekin bai erakunde publiko nahiz pribatuek emandakoekin, helburua eta xedea berberak izanda ere.
2. Beste laguntza batzuk jasotzen badira, guztira jasotako diru-laguntza ezin izango da diruz lagundutako jardunen kostua baino handiagoa izan. Horrelakorik gertatuz gero, muga hori gainditzearen, ematekoa den diru-laguntza Oinarri hauen kargura murriztuko da.

9. Eskabideak, dokumentazioa eta aurkezteko epea.

Deialdi honek aurreikusten dituen diru-laguntzak jasotzeko eskabideak, GIPUZKOAKO ALDIZKARI OFIZIALEAN argitaratu eta hurrengo egunetik kontatuta 30 eguneko epean aurkeztu ahal izango dira, Udaletxeko Erregistro Orokorrean.

Laguntzak jasotzeko eskaerak ondoko dokumentazioarekin aurkeztu beharko dira:

- a) Diru-laguntzarako eskari-orri normalizatua behar bezala beteta.
- b) Eusko Jaurlaritzako elkarte eta entitate-erregistroan inskribatu izanaren ziurtagiria.
- c) Elkartearen estatutuen fotokopia.
- d) Erakundearen identifikazio fiskaleko kodearen (I.F.K.) fotokopia eta erakundearen ardura duen pertsonaren NANaren fotokopia.
- e) Eskatera besteren baten izenean eginez gero, eskatzaileak duen ordezkartzaren egiaztagiria, bai elkarte edo taldeak hartutako akordio bidez, bai ahalduentzaren bidez sozietateen kasuan.
- f) Eskaria egiten duen Erakundeak irekitako Kontu Korrontearen titularitatea ziurtatzeko banketxe edo aurrezki kutxa horrek emaniko ziurtagiria.
- g) Instituzio, erakunde eta abarrei eskatutako diru-laguntzen edo, hala bada, jasota dituzten haien aitortpena.
- h) Diru-laguntza xede izango duen programaren edo ekintzaren txostena zehaztuta.
- i) Programaren edo ekintzaren diru-sarrera eta gastuen aurrekontua.
- j) Zerga betebeharrak eta Gizarte Segurantzarekikoak betetzen dituela egiaztatzen duen agiria (edo hala badagokio, eranskinean dagoen agiria, dagokion moduan beteta).
- k) Zinpeko aitortpena, diru-laguntzak jasotzeko inolako debekuren batetan sartuta ez dagoela adierazteko. Debeku horiek azaroaren 17ko 38/2003 Legearen 2. eta 3. artikuluetan zehaztutakoak izango dira.

Eskatzaileak aurkeztutako agiriak osagabeak edo oinarrietan ezarritako baldintzak betetzen ez dituztela egiaztatzen denean, interesatuari dei egingo zaio hamar laneguneko epean akatsak zuzen ditzan edo beharrezko agiriak aurkez ditzan, eta ohartaraziko zaio hala egingo ez balu eskaria baliogabetua geratuko dela eta besterik gabe artxibatu egingo dela, indarrean dagoen araudiari jarraiki.



IBARRAKO UDALA
(Gipuzkoa)
Euskal Herria

Eskaera onartua izanda ere, Udalak beharrezkoak dituen argibide eta dokumentuak eska ditzake.

Jarduera baterako diru-laguntza eskatze hutsaren ondorioz, onartu egin beharko da diru-laguntza horren emakida arautzen duten oinarriak ezagutzen eta onartzen direla.

Eskaera aurkezteak ez du, berez, diru-laguntza jasotzeko eskubiderik ematen, diru-laguntza orok berekin duen iritziaren arabera izatera baitu diru-laguntza honek ere.

Eskabideak eta informazioa non eskuratu: Benito Izagirre Kultur Etxean (Euskal Herria kalea, 44), www.ibarra.eus edo 943-670399 telefonoan.

10. Baloratzeko irizpideak.

Diru-laguntza ematea lehia-erregimenaren bidez erabakiko da; kasu bakoitzean finkatutako irizpideen arabera, diruz lagundutako jardueren kalitatea eta bideragarritasuna ziurtatzen duen diru-laguntza kopurua soilik hautatuko da.

Diru-laguntzak ematerakoan, honako arloak kontuan hartuko dira baldin eta egindako eskarian agertzen badira:

a) Proposatutako programaren ezaugarriak:

50 puntu arteraino, honako alderdi hauen arabera:

1. Proposatutako programaren gizarte-proiektzioa eta bertan beste erakunde batzuek duten inplikazio-maila. (10 puntu)
2. Garatzen den kultur arloan programak euskal kulturari zer ekarpen egiten dion. (8 puntu)
3. Euskararen erabilera sustatzen duen programa izatea. (8 puntu)
4. Antzeko proposamenik ez egotea. (2 puntu)
5. Kolektibo berezietarako jarduerak: 3. adina, ezinduak, etorkinak, etab. (8 puntu)
6. Berdintasuna sustatuko duten programak. (8 puntu)
7. Diruz lagundu beharreko jarduera zehatzek ahalik eta gehien zabaltzea Ibarra herriaren izena eta irudia. (6 puntu)

b) Erakunde eskagilearen ezaugarriak:

30 puntu arteraino, honako alderdi hauen arabera:

1. Erakundeak erakutsitako ibilbidea, jarraitutasuna eta egonkortasuna. (10 puntu)
2. Zuzenean ukituriko pertsona kopurua (matrikulak, lizentziak,...). (20 puntu)

c) Erakundearen finantza-baliabideak:

20 puntu arteraino, honako alderdi hauen arabera:

1. Programaren diru-sarreraren eta gastuaren aurrekontua eta finantzatzeko tasa. (10 puntu)
2. Udalak ematen duen diru-laguntzaz gain, beste finantzaketa iturriak izatea: erakunde publikoak, babesleak,... (10 puntu)

Diruz laguntzekoak izan daitezkeen beste proposamen batzuen programarekin bat ez datozen aldetik izatera soileko diren proiektuak edo elkarteak aurkezten direnean, irizpide nagusia izango da diru-laguntza ematea ziurtatuz programa edo proiektua irizpide hauen arabera gauzatuko dela: Aurrekontuen bideragarritasuna, jarduerarako aurreikusitako defizita, eta hala badagokio, aurreko urteetan jarduera bererako emandako diru-laguntzaren zenbatekoa.



IBARRAKO UDALA
(Gipuzkoa)
Euskal Herria

Bide egokiena dela baloratzen den kasuetan, Udalak Hitzarmen modalitatea ezarri ahal izango du interesatuarekin. Hitzarmen horrek, entitatearen ordain gisa jasoko ditu urteko programak sustatzeko eta zabaltzeko eremuetako ekintza zehatzak garatzea eta gauzatzea.

11. Prozeduraren instrukzioa.

Diru-laguntzak emateko prozeduraren instrukziorako organo eskuduna Kultura eta Gazteria Batzordea izango da.

Organo horrek Tokiko Gobernu Batzordeari aurkeztuko dio proposamena. Erabakitzeke proposamen horrek honako hauek jaso behar ditu:

- Eskaeren ebaluazioa.
- Eskatzaile-zerrenda, diru-laguntza jasotzeko proposatuko direnena.
- Diru-laguntzaren zenbateko zehatza.

Prozedura hori erabakitzeke eskumena izango duen organoa Tokiko Gobernu Batzarra izango da.

Organo instruktoreak eska diezaieke interesdunei behar adina argibide eta informazio nahiz agiri prozedura izapidetzeko eta, oro har, ebazpena eman behar deneko datuak egiaztatzeke beharrezko direnak.

Diru-laguntza norgehiagoka bidez emango da eta kasu bakoitzean ezarritako irizpideen arabera, Laguntza kopuru bat aukeratuko da, diruz lagundu diren jarduketan kalitatea eta bideragarritasuna bermatuko duena.

12. Ebazpena

Prozedura hori erabakitzeke eskumena izango duen organoa Tokiko Gobernu Batzarra izango da. Epea sei hilabetekoa izango da, deialdiaren iragarkiaren egunetik kontatzen hasita, baldin eta organoak berak data atzeratzen ez bada aurrekontu disponibilitatea dela eta.

Gehieneko epe hori igarota, eta ebazpenik eman ez bada, eskatzaileak ezetsizat joko du bere diru-laguntza eskaera, Ibarra Udalaren Dirulaguntzen Ordenantza Orokorraren 6. artikuluan ezarritakoari jarraiki. Herri Administrazio eta Administrazio Prozedura Erkideari buruzko azaroaren 26ko 30/1992 legeak 43 art.an aurreikusitakoaren arabera, eskaerak ezetsi egingo dira eskaerak aurkezteko epea amaitu eta hiru hilabetera ebazpenik eman ez bada.

Ebazpena oinarri hauetan jasotako baldintza eta irizpideen arabera arazoituko da, eta prozeduran egiaztatu beharko dira hartutako erabakiaren oinarriak.

Diru-laguntzaren ebazpenak alderdi hauek jasoko ditu:

- * Onuradunaren identifikazio datuak.
- * Diru-laguntzaren xedea.
- * Emandako gehieneko zenbatekoa.
- * Diruz lagunduko jarduera burutzeko eta zuritzeko epea.

Ebazpenak zehaztuko du ordainketa bakarreko sistema (3.000,00 € baino gutxiagoko diru-laguntzak) edo zatikatuta (%60-%40) eskatutako diru-laguntzaren izaeraren arabera. Eman behar den diru-laguntza zehazteko, kontuan izango da



IBARRAKO UDALA
(Gipuzkoa)
Euskal Herria

beste irizpide batzuen artean, aurkeztutako eskaerak eta diru-laguntza jaso dezaketen jarduerak Udalak horretarako bideraturiko aurrekontuan baitan.

13. Diru-laguntzaren zuriketa.

Diru-laguntza emanda, onuradunak honakoa egiaztatuko du:

- a) Emandako zenbatekoa helburua betetzeko bideratu dela eta diruz lagundutako jarduera burutzeko.
- b) Lorturiko emaitzak.

Egiaztatzea behar-beharrezkoa da betebeharra aitortzeko eta likidatzeko.

Pertsona nahiz erakunde publiko edo pribatuei emandako dirulaguntzak zuritzeko honako agiriok aurkeztuko dira:

1. Egindako jardueraren edo programaren azalpen-memoria, zeinek gutxienez, atal hauek izango ditu:
 - a. Programaren edo proiektuaren izena.
 - b. Dirulaguntza ematearen helburua, aurkeztutako aurrekontuaren eta proiektuaren arabera.
 - c. Gauzatutako jarduerak, proposatutako helburuak eta lortutako emaitzak deskribatzea.
 - d. Proiektua edo jarduera garatzean egindako aldaketak.
 - e. Finantza baliabideen zerrenda: Dirulaguntzarekin finantzatutako jardueren deskribapena eta kostua, baita beste dirulaguntza batekin edo onuradunekin finantzatutako beste jarduera batzuen ere.
 - f. Objektibagarriak diren heinean, pertsona onuradun-eskatzaiileen datuak sexuaren arabera bereizita, baldin eta horrelaxe adierazten bada dagozkien oinarrietan.
 - g. Ondorioak.
2. Memoria ekonomikoa, egindako jardueren kostua justifikatuko duena; gutxienez dokumentu hauek bilduko ditu:
 - a. Diruz lagundutako jardueren diru-sarrerren eta gastuen balantzea, erakundearen idazkariak sinatutakoa eta dagokion zigiluarekin.
 - b. Izandako gastuak eta lortutako diru-sarrerren zerrenda ordenatua eta sekuentzialki zenbatutakoa, kontzeptuka antolatuta eta emaitzak guztira islatzen dituen. Gastuen zerrendak hau jasoko du:
 - i. Hartzekodunaren identifikazioa.
 - ii. Dokumentuaren identifikazioa.
 - iii. Zenbatekoa.
 - iv. Igorpen data.
 - v. Ordainketa data.
 - vi. Merkataritza zirkulazio juridikoan baliokide diren fakturak edo dokumentuak, edo administratiboki eraginkorrak direnak, aurreko paragrafoan aipatutako zerrendan jasotzen direnak, eta hala badagokio, ordainketaren dokumentazio akreditatiboa. Dokumentu horien fotokopiak aterako dira eta konpultsatu egingo dira; kudeaketa zerbitzuak berretsiko ditu eta



IBARRAKO UDALA
(Gipuzkoa)
Euskal Herria

jatorrizko dokumentuak interesatuari itzuliko zaizkie. Jatorrizko dokumentuak edo kopia konpultsatuak erakunde onuradunean geratuko dira gutxienez lau urtez. Erosketa tiketak edo ordainagiriak onartuko dira, 20,00 € baino txikiagoak badira eta guztira jasotako diru-laguntzaren %10 gainditzen ez bada.

- c. Diruz lagundutako jarduera finantzatu duten diru-sarreraren eta dirulaguntzen zerrenda xehatua, zenbatekoa eta jatorria adieraziz.
 - d. Fakturak ematen dituen erakunde bat BEZetik salbuetsita badago, salbuespen hori dagoela berresten duen erakunde eskudunak emandako ziurtagiria ere aurkeztu beharko da.
 - e. Langileei dagozkien gastuak soldata-gastu gisa justifikatzeko, dokumentu hauek aurkeztu beharko dira: Lan kontratuen kopiak, hartzaileak sinatutako dagozkien nomina ordainduak, edo hala badagokio, bankuko abonu-agiria, eta Gizarte Segurantzaren kotizatu izanaren ziurtagiriak.
 - f. Hartzekodunen ordainketa ziurtagiria banku zordunketa bidez egin beharko da, modu zuzenean sinatutako "jaso agiria", edo aurkeztutako fakturak ordaindu izanaren beste dokumentu-ziurtagiri bat.
3. Programa edo jardueraren propagandarako egin diren kartelen kopiak.
 4. Gizarte Segurantzarekiko betebeharrak eta Udalaren nahiz Foru Ogasunaren zergak kitatuta dituela egiaztatzen duen agiria.

Udalak, dagozkion bide guztiak erabiliz, emandako diru-laguntzen erabilera aztertu ahal izango du.

14. Diru-laguntza justifikatzeko epea.

14.1.- Urteko programazioa: 2016ko otsailaren 26a.

14.2.- Ekintza puntualak: Ekintza gauzatu eta 45 egun naturaleko epean justifikatuko da.

2016ko lehiaketaren ondorioz jaso beharrekoa ez da aurreko urtekoa zuritu arte jasoko.

15. Diru-laguntzaren ordainketa.

Ordainketa egingo da onuradunak egiaztatzen duenean diru-laguntza eman zitzaioneko helburua bete dela eta jarduera burutu izana eta gastua egin izana justifikatzen duenean.

Ez da ordainketarik egingo onuraduna zerga betebeharraren eta gizarte segurantzako betebeharraren egunean ez bada, edo zorduna bada eta ebazpen bidez itzulketa agindu bada.

Ordainketa zatikatuen bidez ordainduko da, diruz lagundutako jarduerak burutzen diren neurrian eta aurkeztutako justifikazioaren arabera zenbatekoa emango da oinarri hauei jarraiki.

15.1.- Urteko programazioa.



IBARRAKO UDALA
(Gipuzkoa)
Euskal Herria

Diru-laguntzak bi epetan ordainduko dira: Erabakiaren jakinarazpenarekin batera taldeari diru-laguntzaren %60 ordainduko zaio. Gainerako %40 jarduera edo egitasmoaren justifikazioari onespina ematen zaionean ordainduko zaio.

15.2.- Ekintza puntualak.

- a) Hiru mila eurotik beherako diru-laguntza jasotzen duten ekintza puntualak: Diru-laguntzaren %100 ekintza gauzatu baino astebete lehenago ordainduko zaio.
- b) Hiru mila eurotik gorako diru-laguntza jasotzen duten ekintza puntualak: Ekintza gauzatu baino astebete lehenago diru-laguntzaren %60 ordainduko zaio. Gainerako %40 ekintzaren justifikazioari onespina ematen zaionean ordainduko zaio.

16. Ordainketa aurrerakina.

Diru laguntza ematen duen organoak, ordainketa aurrerakinak erabaki ditzake onuradunei emandako diru- laguntzetan, diru-laguntza horien jarduketei loturiko finantzazio beharretarako.

17. Emandako diru-laguntzen aldaketak.

Emakidaren baldintzak aldatzeak edo onuradunak aitortu gabeko bestelako diru-laguntza edo laguntzaren bat jasotzeak, batera edo bakarka, lagundutako proiektuaren kostua gainditzen bada, diru-laguntzaren ebazpena aldatzea ekarriko du eta jasotako dirua itzultzera behartuko da.

18. Publizitatea.

Diruz lagundutako jardueri buruzko publizitatean, beti Ibarra Udalaren lankidetzara adierazi beharko da.

Propaganda, bai ahozkoa bai idatzizkoa, euskaraz ere egin beharko da.

Diru-laguntzen onuradunek konpromisoa hartuko dute emakumeentzat iraingarria edo baztertzaila izan daitekeen propagandarik ez erabiltzeko.

19. Kontrol eta jarraipena.

Dirulaguntzen finantza kontrola pertsona edo entitate onuradunei egingo zaie, edo hala badagokio, erakunde kolaboratzaileei. Dirulaguntzen finantza kontrola Ibarra Udalaren Dirulaguntzen Ordenantza Orokorren 48. eta 49. artikuluetan xedatutakoari jarraiki egingo da.

Oinarri hauetan arautzen den diru-laguntza sistema Ibarra Udaleko kontuhartzailletza departamentuak aurrera eraman dezakeen kontrol finantzarioaren mende egongo da.

Oinarri hauetako onuradunak behartuta daude kontrol finantzarioa egiten duten funtzionarioei lankidetzara eskaintzera eta horretarako eskatzen zaizkien agiriak eta beharrezko informazioa eskuratuko diete.



IBARRAKO UDALA
(Gipuzkoa)
Euskal Herria

Jarraipen eta kontrol prozesu horretan oinarri hauetako baldintzak ez direla betetzen ikusten bada, beharrezko neurriak hartuko dira diru itzulketa egin dadin, eta kasua bada, emandako diru-laguntza kobratzeko eskubidea galduko da.

20. Emandako diru-laguntzaren itzulketa.

Oinarri hauetako diru-laguntzak lotuta daude Ibarra Udalaren Dirulaguntzen Ordenantza Orokorren itzulketa araubideari.

Elkarte baten aldetik deialdi honetan aurreikusten diren oinarrietako bat ez betetzeak diru-laguntza iraungiaraztea edo gutxitzea ekarriko du. Dena den, Ibarra Udalaren Dirulaguntzen Ordenantza Orokorren 46. artikulua eta harekin bat datorren gainontzeko araudiak xedatzen dutena aplikatuko da.

Jarduera bertan behera geldituko balitz, edo eskaeran jaso zenetik guztiz ezberdina baldin bada, jasotako diru-laguntza itzuli egin beharko da.

21. Erantzukizun eta zigor erregimena.

Oinarri hauetako diru-laguntza sistemaren pertsona fisiko eta juridiko onuradunak lege honen mende daude: Ibarra Udalaren Dirulaguntzen Ordenantza Orokorren 50. artikuluan ezarritako arau-hausteei buruzko erantzukizun eta zigor erregimena.

22. Interpretazioa.

Oinarri hauetan hutsuneak egonez gero, Ibarra Udalaren Dirulaguntzen Ordenantza Orokorren eta azaroaren 17ko diru-laguntzei buruzko 38/2003 Lege Orokorren araututakoa kontuan izango da.

23. Araudi osagarria.

Oinarri hauetan aintzat hartu ez den guztirako, Herri Erakundeei aplikatu beharreko araudiak dioena beteko da, bereziki, Diru-laguntzetarako azaroaren 17ko 38/2003 Lege Orokorren eta uztailak 21eko 887/2006 Errege Dekretuaz onartuta legeak zehazten duen Arautegiak diotena hartuko dira kontuan.

HIRUGARRENA:

3.- GERTEK ENPRESAREN KONTRATUA

2015eko maiatzaren 31an Gertek enpresarekin dugun kontratua amaitzen da. Ikusita aurten udal hauteskundeak direla eta udal polizi postua sortzeko arazoak daudela, 2015eko uztailaren 31rarte Gertek enpresarekin kontratu berri bat sinatu nahi da (TAO zerbitzua martxan jarrai dezan udalak arazo hori irtenbide bat eman bitartean).

Bitarteko Udal Idazkariak jakinarazten du arazoari irtenbidea eman behar zaiola eta salbuespenez (hauteskunde egoera kontutan izanik eta trafikoko eskuduntza berreskuratu berria denez) kontratu berria egitea ahalbidetzen dela baina jakinarazten du irtenbide bat aurkitu behar zaiola egoera honi



IBARRAKO UDALA
(Gipuzkoa)
Euskal Herria

uztailak 31rako, ostantzean esleipen berria egin beharko da.

Guztia ikusirik, hau da Tokiko Gobernu Batzordeak aho-batez harturiko

ERABAKIA

LEHENA: Onartzea Gertek enpresarekin kontratu berri bat egitea 2015eko ekainaren 1tik 2015eko uztailak 31rarte.

BIGARRENA: Erabaki honen berri eman Gertek enpresari, Kontuhartzailatza sailari eta pertsonal sailari.

LAUGARRENA:

4.-GESMUNPAL ENPRESAREKIN KONTRATUA.

2015eko martxoaren 31an Gesmunpal enpresarekin sinaturiko kontratua amaitu zen. Egun zerbitzu hau egiteko Foru Aldundiarekin hitzarmen bat sinaturik dugu baina arazo tekniko batzuekin aurkitu da Kontuhartzailatza saila. Ondorioz, Gesmunpal enpresak lanean jarraitu du.

Guztia ikusirik, hau da Tokiko Gobernu Batzordeak aho-batez harturiko

ERABAKIA

LEHENA: Onartzea Gesmunpal enpresarekin kontratu berri bat egitea 2015eko apirilaren 1tik 2015eko ekainaren 30 arte.

BIGARRENA: Erabaki honen berri eman Gesmunpal enpresari, Kontuhartzailatza sailari eta pertsonal sailari.

BOSGARRENA:

5.-LANDER TOLEDO FLORES LANGILEAREN KONTRATUAREKIN JARRAITZEA OBRAREN AMAIERA EZAGATIK.



IBARRAKO UDALA
(Gipuzkoa)
Euskal Herria

2014ko azaroaren 11n, Lander Toledo Flores langilea kontratatu zen (hautaketa prozesu bat burutu ondoren) lorezaintza lanak egiteko (udalerriko bideak desbrozatzeko, inausketak egiteko, konpostaren eraketa prozesuari loturiko lanak egiteko...) 2015eko apirilaren 30 arte.

Udal arkitekto teknikoak 2015eko apirilaren 28an txosten bat aurkezten du non azaltzen den lan guztiak egiteko denbora nahiko ez dutela izan eta zuhaitzei forma emateko inausketak egitea ezin besteko lana dela (udaran egitea gomendatzen dute adituek) Ibarra. Bestalde auzokonpostan herritarren parte hartzea espero baino handiagoa izan denez, lan karga handia sortu da.

Obra eta zerbitzuetako sailburuak, Lander Toledo Flores langilearen kontratuaren urte beteko luzapena eskatzen du aipatu diren arrazoiak argudiatuz.

Idazkaritzatik azaltzen da obra kontratu bat denez kontratuaren amaiera epea gutxi gora-beherakoa da eta obra amaitu bitartean kontratuarekin jarraitzea posible da (beti ere obra berdina baldin bada eta obra horretan aurrikusita zeuden zeregin berdinak burutzen baldin badira).

Guztia aztertu ondoren, hau da, Tokiko Gobernu Batzordeak aho-batez harturiko

ERABAKIA

LEHENA: Lander Toledo Flores langilearen kontratuarekin jarraitzea urte beterako.

BIGARRENA: Erabaki honen berri eman pertsonal sailari eta Lander Toledo Flores langileari.

SEIGARRENA:

6.- KULTUR ETXEAN 2 ORDENAGAILU EROSTEKO ONARPENA

Kultur etxean 2 ordenagailuen beharra dagoela agertzen du bertako arduradunak. Ordenagailu hauek erosteko bi aurrekontu aurkezten dira:

1. SS. Hard enpresaren aurrekontua1.111,18 euro
2. Montte enpresaren aurrekontua.....1.742,40 euro (bez-a barne)

Hau guztia aztertu ondoren, hau da, Tokiko Gobernu Batzordeak aho-batez harturiko

ERABAKIA

LEHENA: Onartzea Kultur Etxerako 2 ordenagailu erostea.



IBARRAKO UDALA
(Gipuzkoa)
Euskal Herria

BIGARRENGOA:

HIRUGARRENGOA: Erabaki honen berri eman Kontuhartzaitetza sailari

ZAZPIGARRENA:

7.-2015 URTERAKO IZASKUNGO JAIEN EGITARAUUA ETA AURREKONTUAREN ONARPENA

Kultura Teknikariak 2015. urterako Izaskungo jaien egitaraua eta aurrekontua aurkezten du.
Honakoa da:

Maiatzak 23, larunbata.

Jaien hasiera

18:00: **Zaldi lasterketa.**

Ondoren: **Pintxo eta Sagardo dastatzea (Zabala, Aburuza, Gaztañaga, Intsalus eta Sarasola sagardotegiak).**

Maiatzak 24, Igandea.

12:00: **Herri-kirolak:**

**Aizkolariak: Joxe M^a Esnaola
Joxe Ugarteburu**

Motozerra erakustaldia: Luis Erasoren eskutik figura ikusgarriak.

14:30: **Herri bazkaria.** Ondoren **Andoni Egaña eta Iker Zubeldia** bertsolarien emanaldia.

18:00: **“Gorriti eta bere animaliak”.**

19:00: **Erromeria Loatzo Musika Eskolako trikitilarien** eskutik.

Maiatzak 25, Astelehena.

10:00: **Diana Loatzo Musika Eskolako** trikitilarien eskutik.

11:00: **Meza Nagusia.**

12:00: **Hamaiketako herrikoia.**

13:00: **Bertso saioa: Sebastian Lizaso eta Anjelmari Peñagarikano.**

17:30: **Alur dantza taldearen** emanaldia.

Segidan: **Haurrentzako gozokiak**

18:30: **Bertso saioa: Sebastian Lizaso eta Anjelmari Peñagarikano.**

19:00-20:30: **Erromeria Loatzo Musika Eskolako trikitilarien** eskutik eta jaien amaiera.



IBARRAKO UDALA
(Gipuzkoa)
Euskal Herria

AURREKONTUAREN AURREIKUSPENA:

KONTZEPTUA	AURREIKUSPENA 2015
AUZOKO BATZORDEAREN GASTUAK:	6.521,67 €
Zaldi lasterketa (15 zaldi)	1.500,00 €
Belardiaren garbiketa	545,00 €
Betizuak eta poniak	726,00 €
Trikitilarien bazkaria (2 x 25,00 €)	60,00 €
Sagardo dastaketa	500,00 €
Pintxoak, ogia, serbiletak, txotxak, basoak:	700,00 €
Basoak Txorixoa Ogia	
Herri kirolak: Aizkolariak eta motozerra	1.200,00 €
4 bertsolari	1.200,00 €
Anbulantzia (DYA)	150,67 €
UDALETXEAREN GASTUAK:	2.340,10 €
Dantzarien merienda	560,00 €
Goxokiak	190,00 €
Hamaiketako herrikoia	
Kartelak	
Megafonia	980,10 €
Suziriak *	
Toldoen alokairua	100,00 €
Trikitixa	450,00 €
Trofeoak	60,00 €
GUZTIRA	8.861,77 €

Aurrekontua: 9.000,00 €

* Biltegian baditugu

KONTU SAILA: 1.0000.226.338.10.06 2015



IBARRAKO UDALA
(Gipuzkoa)
Euskal Herria

Guztia ikusita, hau da Tokiko Gobernu Batzordeak aho-batez harturiko
ERABAKIA

LEHENA: Onartzea 2015. urterako Izaskungo jaietarako aurrakusten den egitaraua.

BIGARRENA: Onartzea 2015. urterako Izaskungo jaietarako 8.861,77 eurotako gastua eta bere ordainketa 1.0000.226.338.10.062015 kontu sailetik egitea.

HIRUGARRENA: Erabaki honen berri eman Kontuhartzailletza sailari.

ZORTZIGARRENA:

8.-GIPUZKOASHARE GUIFL.NET PROIEKTUA

Tokiko Gobernu Batzordeko kideek Gipuzkoashare guifi.net izena duen proiektu bat aurkezten dute. Supermodo bat ezarri nahi da proiektu honen baitan eta hau erabiltzaileen konexio puntua izango litzateke. Proiektuaren kostua 6.000 eurotako da.

Idazkariak aipatzen du teknikarien txostenik ez dagoela proiektu honen inguruan (ez Udal Arkitekta, ez Udal Arkitekta Teknikoarena ezta Ingurumen teknikariarena ere) eta bestalde K

Hau guztia aztertu ondoren, hau da, Tokiko Gobernu Batzordeak aho-batez harturiko

ERABAKIA

LEHENA: Onartzea Gipuzkoashare guifi.net proiektua, 6.000 eurotako kostua duena.

BIGARRENA: Gipuzkoashare guifi.net proiektuak sor ditzazken uhinak neurtzeko ikerketa bat martxan jartzea eskatzea Ingurumen teknikariari eta bide batez ikerketa horren aurrekontua eskatzea enpresa desberdinei.

HIRUGARRENA: Erabaki honen berri ematea Ingurumen saila

Eta bestelako aztergairik ez dagoenez, goiburuko eguneko ordubiak direnean, lehendakariak bilera amaitutzat ematen du eta nik, bitarteko idazkari naizen honek, akta hau egiten dut, bertan esandako eta erabakitako guztiaren berri jasoz.